

Minister Mike de Meza

Green Symposium ta pa conscientisa hobennan riba futuro di energia sostenibel



Minister di Finanzas Mike de Meza



ORANJESTAD – Gobierno kier conscientisa henter comunidad riba e uzo di energia sostenibel. Minister di Finanzas Mike de Meza a indica cu cada biaha e restonan ta bira mas grandi pa mantene e prijs di energia abou.

Uzando energia duradero, ta yuda riba un termino largo, reduci gastonan di consumo di energia convencional.

SIMPOSIUM

De Meza a indica cu a cuminsa e Green Simposio hunto cu Biblioteca Nacional di Aruba. Un grupo di mas o menos 1000 mucha a presenta na e evento aki.

Minister Mike de Meza encarga cu companianan di Utilidad, a indica cu awe un biaha mas un grupo grandi di muchanan ta bay presencia e simposio aki. E hobennan ta importante, ya cu nan ta splica mayorman mas facil con pa anda cu energia.

COMPANIANAN

E idea ta pa personanan di companianan di Utilidad Elmar, WEB y tambe oradoman internacional haci diferente presentacion riba e topico di energia duradero. Durante e evento ta duna splicacion riba e retonan mundial cu tin pa consumo di energia y produc-



tonan. Tambe con e islanan mester prepara nan mes pa futuro. De Meza a bisa cu na mes momento ta purba interes e hobennan pa wak den un direccion mas sostenibel pa den futuro.

CONCIENTISACION

E simposio aki mester yuda e hobennan bira mas consciente riba e forma con ta deal cu energia.

Esaki ta parti di nan educacion y formacion pa duna mas tanto informacion posibel cu normalmente no ta haya na

scol. Den e simposio ta haya expertonan di companianan di utilidad, ingenieronan di WEB y Elmar pero tambe di paisnan pafu di Aruba cu ta splica di tecnologia nan nobo y retonan cu mundialmente mundo ta keda confronta cune.

RECONOCIMIENTO

Tur e informacionnan aki ta keda duna den forma di un estudio.

E informacion cu e hobennan ta haya, ta informacionnan cu ta reconoci pa institucionan di educacion mundial cu ta bisa cu mester alerta y prepara pa cuminsa busca camindanan nobo pa sigui prospera y ta riba un caminda cu ta mas sostenibel. □

